

植物名實圖攷

植物名實圖考卷之三十一

固始吳其濬著

蒙自陸應穀校刊

羣芳

赭桐

木棉

夜合花

鳳皇花

素馨

夾竹桃

含笑

賀正梅

末利

夜來香

文蘭樹

黃蘭

彩蝶

馬纓丹

鴨子花

鶴頂

朱錦

西番蓮

百子蓮

珊瑚枝

隧冠花

換錦花

鈴兒花

華蓋花

玲甲花

水蠟燭

油蔥

鐵樹

喝呼草

直勿名實圖考

目錄

羣芳卷之三十



頹桐

南方草木狀頹桐花嶺南處處有自初夏生至秋蓋草也葉如桐其花連枝萼皆深紅之極者俗呼貞桐花貞音訛也 按頹

桐廣東徧地生移植北地亦易繁衍京師以其長鬚下垂如垂絲海棠呼爲洋海棠其莖中空冬月密室藏之春深生葉插枝亦活



夾竹桃

李衍竹譜夾竹桃自南方來名拘那夷又名拘拏兒花紅類桃其根葉似竹而不勁足供盆檻之玩

閩小記會師建閩中記南方花有北地所無者閩提茉莉俱那異皆出西域盛傳閩中拘那衛卽拘那異夾竹桃也



木棉

本草綱目李時珍曰交廣木棉樹大如抱其枝似桐其葉大如胡桃葉入秋開花紅如山茶花黃蕊花片極厚爲房甚繁短側相比結實大如拳實中有白棉棉中有子今人謂之斑枝花訛爲攀枝花李延壽南史所謂林邑諸國出古貝花中有鵝毳抽其緒紡爲布張勃吳錄所謂交州永昌木棉樹高過屋有十餘年不換者實大如盃花中棉軟白可爲縕絮及毛布者皆指似木之木棉也

嶺南雜記木棉樹大可合抱高者數丈葉如香樟瓣極厚一條

五六葉正二月開大紅花如山茶而蕊黃色結子如酒盃老則
拆裂有絮茸茸與蘆花相似花開時無葉花落後半月始有新
綠葉其絮土人取以作裯褥海南蠻人識以爲巾上出細字花
卉尤工乃名曰吉貝卽古所謂白疊布今詢之粵人亦無有織
作者或別是一種耳廣州閱武廳前與南海廟各一株甚大開
時赤光照耀坐其下如入朱明之洞也 按廣西通志木棉嶺
西最易生或取以作衣被輒致不仁之疾以爲吉貝誤之甚矣
李時珍以木棉與棉花並入隰草亦攷之未審

木牛名實圖



含笑

捫蝨新話含笑有大小小含笑香尤酷烈又有紫含笑予山居無事每晚涼坐山亭中忽聞香一陣滿室郁然知是含笑開矣南越筆記含笑與夜合相類大含笑則大半開小含笑則小半開半開多於曉一名朝合小含笑白色開時蓓蕾微展若齒蒼之未敷香尤酷烈古詩云大笑何如小笑香紫花那似白花粧又有紫含笑初開亦香是子瞻所稱涓涓泣露暗麝著人者羅浮夜合含笑其大至合抱開時一谷皆香亦異事也

藝花譜含笑花產廣東如蘭開時常不滿若含笑然隨即凋

落

植物名實圖考

含笑

羣芳錄卷之二十

天牛

六



夜合花

夜合花產廣東木本長葉花青白色曉開夜合

賀正梅



賀正梅

賀正梅似梅而小廣東歲朝植之盆盎

鳳皇花



鳳皇花

鳳皇花樹葉似槐生於澳門之鳳皇山開黃花經年不歇與葉相埒深冬換葉時花少減結角子如麩豆今園林多植之或云洋種也 按嶺南雜記金鳳花色如鳳心吐黃絲葉類槐余在七星巖見之從僧乞歸其子種之不生



末利

末利見南方草木狀本草綱目列於芳草此草花雖芬馥而莖葉皆無氣味又其根磨汁可以迷人未可與芷蘭爲伍退入羣芳祇供簪髻

素馨

羣芳卷之三十



素馨

南方草木狀耶悉茗花末利花皆胡人自西國移植於南海南人愛其芳香競植之陸賈南越行紀曰南越之境五穀無味百
花不香此二花特芳香者緣自別國移至不隨水土而變與夫
檣北爲枳異矣彼之女子以綵線穿花心以爲首飾

桂海虞衡志素馨花比番禺所出爲少當有風土差宜故也

龜山志素馨舊名耶悉茗一名野悉密昔劉王有侍女名素馨
其冢上生此花因名

嶺外代答素馨花番禺甚多廣右絕少土人尤貴重開時焚椒

花頭裝於他枝或以竹絲貫之賣於市一枝二文人競買戴
嶺南雜記素馨較茉莉更大香最芬烈廣城河南花田多種之
每日貨於城中不下數百擔以穿花鐙綴紅黃佛桑其中婦女
以綵線穿花繞髻而花田婦人則不簪一蕊也

南越筆記素馨本名邨悉茗珠江南岸有村曰莊頭周里許悉
種素馨亦曰花田婦女率以珠爽往摘以天未明見花而不見
葉其稍白者則是其日當開者也既摘覆以溼布毋使見日其
已開者則置之花客涉江買以歸列於九門一時穿燈者作串
與瓔珞者數百人城內外買者萬家富者以斗斛貧者以升其

量花若量珠然花宜夜乘夜乃開上人頭髻乃開見月而益光
豔得人氣而益馥竟夕氤氳至曉猶有餘香懷之辟暑吸之清
肺氣花又宜作燈雕玉鏤冰瓊瓏四照遊冶者以導車馬楊用
修稱粵中素香燈爲天下之絕豔信然兒女以花蒸油取液爲
面脂頭澤謂能長髮潤肌或取蓓蕾雜佳茗貯之或帶露置於
甌中經信宿以其水點茗或作格懸繫甕口離酒一指許以紙
封之旬日而酒香徹其爲龍涎香餅香串者治以素馨則韻味
愈遠隆冬花少曰雪花摘經數日仍開夏月多花瓊英狼藉入
夜滿城如雪觸處皆香信粵中之清麗物也

夜來香

三

羣芳卷之三十



夜來香

夜來香產閩廣蔓生葉如山藥葉而寬皆仰合不平屢秋開碧玉五瓣花夜深香發清味如茶北地亦植之頗畏寒廣中以其多陰藏虵委之籬落閩人云斷腸草經野燒三次卽變此花猶有毒云

文蘭樹

五

羣芳卷之三十



文蘭樹

文蘭樹產廣東葉如萱草而闊長白花似玉簪而小園亭石畔多栽之 按此草近從洋船運至北地亦以秋開南越筆記文殊蘭葉長四五尺大二三寸而寬花如玉簪如百合而長大色白甚香夏間始開是皆蘭之屬江西湖南間有之多不花土醫以其汁治腫毒因有秦瓊劍諸俚名

黃蘭



黃蘭

黃蘭產廣東或云洋種今徧有之叢生硬莖葉似茉莉花如蘭而黃極芳烈



彩蝶

彩蝶產廣東莖葉如秋海棠翠花長蕊野生山間種不常見



馬纓丹

南越筆記馬纓丹一名山大丹花大如盤蕊時凡數十百朵每
朵攢集成毬與白繡毬花相類首夏時開初黃色蕊鬚如丹砂
將落復黃黃紅相間光豔炫目開最盛最久八月又開有以大
紅繡毬名之者又以其瓣落而枝矗起槎枒甚與珊瑚柯條相
似又名珊瑚毬言其紅繡毬者以開時也言珊瑚毬者以落時也
按馬纓丹又名龍船花以花盛開時值競渡故名

鴨子花

六

羣芳卷之三十一



鴨子花

鴨子花產廣東似蓼而大葉長數尺以其花如小鴨故名



鶴頂

鶴頂產廣東又名呂宋玉簪葉如射干葉花六瓣深紅黃蕊似
山丹而瓣圓大

朱錦

年

羣芳卷之三十一



朱錦

朱錦產廣東叢生林麓極易繁衍葉如月季花葉花有紅黃二種如小牡丹苞如木芙蓉婦女常簪之

西番蓮



三

西番蓮 即轉心蓮

南越筆記西番蓮其種來自西洋蔓細如絲朱色繚繞籬間花
初開如黃白蓮十餘出久之十餘出者皆落其蕊復變而爲鞠
瓣爲蓮而蕊爲鞠以蓮始而以鞠終故又名西洋鞠



百子蓮

百子蓮產廣東或云洋種廿年前不知其異也色極嬌麗一花
經數日不萎婦女競簪之價始高近日種植較多矣

珊瑚枝

珊瑚枝

三

羣芳卷之三十一



珊瑚枝

珊瑚枝產廣東或云番種不知其名花圃以形似名之 按南
越筆記謂馬纓丹花落而生槎杈人呼爲珊瑚毬或誤以爲一

種

穗冠花

二

羣芳卷之三十一



穉冠花

穉冠花如雞冠之尖穉者高六七尺每葉發杈開花秋時百穗俱垂宛如纓珞移植湖湘亦易繁衍惟旁莖大脆經風輒折必作架護持之稍寒卽瘁不如雞冠耐久也

換錦花



換錦花

南越筆記脫紅換錦脫綠換錦此換錦之所以名也葉似水仙
冬生至夏而落獨抽一莖二尺許作十餘花花比鹿蔥而大或
紅或綠葉落而花故曰脫紅脫綠花落而葉故曰換錦花與葉
兩不相見也 按此卽石蒜一類惟花肥多莖粗稜異

鈴兒花

集

羣芳卷之三十一



鈴兒花

鈴兒花一名弔鐘花生廣東山澤間歲暮葉脫始蕾樵人折以入市插置膽瓶春初花開狀如小鈴花落葉發不宜栽蒔



華蓋花

華蓋花產廣東或云番舶攜種種生者葉如秋葵花似木芙蓉未曉而開清晨卽落良夜秉燭始見其花皆戲呼爲曇花植者亦罕

直切之白蘭圖考

玲甲花

狀

羣芳卷之三十一



玲甲花

玲甲花番種也花如杜鵑葉作兩歧樹高丈餘濃陰茂密經冬不凋夷人喜植之




水蠟燭

南越筆記水蠟燭草本生野塘間秋杪結實宛與蠟燭相似

油葱

三

羣芳卷之三十一



油葱 即羅幃草

嶺南雜記油葱形如水仙葉葉厚一指而邊有刺不開花結子
從根發生長者尺餘破其葉中有膏婦人塗掌中以澤髮代油
貧家婦多種之屋頭問之則怒以為笑其貧也 按油葱粵西
人以其膏治湯火灼傷有效又名羅幃花如山丹以為婦女所

植故名

鐵樹

三

羣芳卷之三十一



鐵樹

嶺南雜記鐵樹高數尺葉紫如老少年開花如桂而不香

南越筆記朱蕉葉芭蕉而幹棕竹亦名朱竹以枝柔不甚直挺故以爲蕉葉紺色生於幹上幹有節自根至杪一寸三四節或六七節甚密然多一幹獨出無傍枝者通體鐵色微朱以其難長故又名鐵樹 按鐵樹治痢證有神效廣西土醫用之

喝呼草

三

羣芳卷之三十一



喝呼草

廣西通志喝呼草幹小而直上高可四五寸頂上生梢橫列如傘蓋葉細生梢兩旁有花盤上每逢人大聲喝之則旁葉下翕故曰喝呼草然隨翕隨開或以指點之亦翕前翕後開草木中之靈異者也俗名懼內草

南越筆記知羞草葉似豆瓣相向人以口吹之其葉自合名知羞草 按此草生於兩粵今好事者攜至中原種之皆生秋開花茸茸成團大如牽牛子粉紅嬌嫩宛似小兒帽上所飾絨球結小角成簇大約與夜合花性形俱肖但草本細小高不數尺

手拂氣噓似皆知覺大聲呵喝卽時俯伏草木無知觀此莫測
唐階指佞應非誑言蜀州舞草或與同彙彼占閩傾陽轉爲數
見

